



UNIVERSITÄTS-
BIBLIOTHEK
PADERBORN

Universitätsbibliothek Paderborn


Monumenta Paderbornensia

Ferdinand <II., Paderborn, Bischof>

Francofurti ; Lipsiæ ; Norjbergæ, 1713

Acidula Smechtana.


urn:nbn:de:hbz:466:1-29975



n-
b.
is
at,
it,

ACI.

I.



ACIDULA SMECHTANA.

MEMORIÆ SACRUM

NON. EGO. VICINIS. DUBITEM. CONTENDERE. NYMPHIS
 TANTA. LICET. NOSTRÆ. COPIA. DESIT. AQUÆ
 FRIGIDIOR. GLACIE. CERTE. MEA. NECTAR. ACORE
 UNDA. REFERT. VITRO. SPLENDIDIORQUE. FLUIT
 UTILIS. ET. CALIDO. JECORI. STOMACHOQUE. DOLENTI
 ET. PRÆSENS. ÆGRIS. RENIBUS. AUXILIUM
 PRINCIPIS. HINC. PATRUI. PRINCEPS. EXEMPLA. SECUTUS
 FERNANDUS. PATRIÆ. MAXIMA. CURA. MEÆ
 MARMOREO. POTAS. ORNAVIT. MARGINE. LYMPHAS
 ADDIDIT. ET. GRATA. CARMINA. DUCTA. MANU
 TU. MERITI. CONTRA. MEMOR. ILLIUS. USQUE. LIQUORES
 ARENTI. SITIENS. QUI. TRAHIS. ORE. MEOS
 POCULA. FERNANDI. FAC. LIBES. PRIMA. SALUTI
 INCOLUMIS. PADERÆ. QUAM. DABIT. ILLE. SUÆ

FERDINANDUS. DEI. ET. APO-
 STOLICÆ. SEDIS. GRATIA. EPISCOPUS
 PADERBORNENSIS. COADJUTOR. MO-
 NASTERIENSIS. S. R. I. PRINCEPS. CO-
 MES. PYRMONTANUS. ET. LIBER. BA-
 RO. DE. FURSTENBERG

AD. MEMORIAM. ACCEPTI. BENEFICII
 P. C. AN. M. DC. LXIX.

NAUSEAT. AUT. SIQUIS. CALET. HINC. BIBAT. ÆGER. OREXIN
 NOSTRA. FACIT. STOMACHO PELLIT. ET. UNDA. SITIM
 NECTAR. ACORE. VITRUM. SPLENDORE. ET. FRIGORE. BRUMAM
 EXSUPERAT. MEDICÆ. NEC. CARET. ARTIS. OPE

Gg

NO-

NOTÆ.

SMECHTANAM Acidulam, accolis, Metbrunne / hydromeli dictam, nos olim his elegis celebravimus.

*Nympha decus silvæ, pulcherrima Nympha sorores
Inter Hamadryadas, Naiadasque deas.
Quis te presenti sparsit medicamine? quis te
Melliti fontis nomen habere dedit?
An, magis ut saperent, acidas tibi dulciter undas
Ambrosiæ succis diluit ipsa Salus?
An, velut Hybleis è floribus omnia libat
Fingendi studio sedula mellis apis:
Sic, dum nunc ferri venas, nunc æris oberras,
Vim trahit inde tuæ, quæ fluit, humor aquæ?
Quicquid id est: stomachi fastidia vincis inertis,
Nec sinis accensum bile tumere jecur;
Et quæ præterea versu comprehendere non est,
Sæpius innumeris pota medere malis.
Salve Natura mulsum, gratissima morbis
Sospita, languentium nectar, inempta salus,
Quod mihi si bilem solitâ virtute coërces,
Quæ jecori, nimio dum furit igne, nocet;
Carminibus nostris decorataque marmore, nomen
Grande salutiferas inter habebis aquas.*

Quibuscum concinit Musâ JOANNIS ROTGERI TORKII nostri, Mindensis Præpositi, Canonici Paderbornensis ac Monasteriensis, non semel laudata.

Fons

*Fons in umbroso venerande luco,
 Jam diu Phœbo sacer, ac Saluti,
 Qui levas fessum jecur, & palato
 Mella propinas
 Atticis longè potiora succis,
 Quos per Hyblaos studiosa colles
 Turba formosi populata florem
 Condidit anni.
 Montis intonsi decus & voluptas,
 Cujus extremo pede, bullienti
 Profilis æstu gravis è metalli
 Divite vena;
 Principem serva mihi FERDINANDUM,
 Patriæ Patrem, tua concinentem
 Nobili plethra, tua mella pleno
 Ore bibentem.*

Virtutem hujus aquæ singulariter etiam commendat Tabernæ-
 montanus in suo aquarum Thesauro cap. 59. salubritatem illius coram
 periclitatus. Tabernæmontano assentitur Rottendorffius noster in li-
 teris, quas Driburgensis acidulæ monumento subjungimus. Inter
 Smechtanos fontes numero plures, unus in colle situs, avibus ex eo
 potantibus exitialis, hominibus innoxius, petigini & scabiei medetur.
 Largiar hoc præstantiæ & celebritati hujus acidulæ, ut antiquitatem
 vici Schmechten / à quo denominatur, eruam ex hoc Caroli Crassi
 Imp. diplomate, Herisfensi Parthenoni dato, cujus etiamnum benefi-
 cio Smechta à Nobilibus de Uffeborg possidetur.

IN nomine sanctæ & individue Trinitatis. KAROLUS divina fa-
 vente gratia serenissimus Imperator Augustus. Si loca divino cultui
 mancipata nostro levamus juvamine. hoc nobis ad æternæ remunera-
 tionis præmia capessenda profuturum fore liquido credimus. Qua-
 propter

propter omnium fidelium nostrorum presentium scilicet & futurorum cognoscat industria. qualiter Bispo venerabilis Paderbrunnensis Ecclesie Episcopus attulit nostrae Serenitati quoddam conscriptum in quo continebatur. qualiter quoddam monasterium sanctarum monialium in loco qui dicitur Herisi. una cum licentia piissimi genitoris nostri Liuthardus Episcopus. una cum decreto Liuberti Archiepiscopi. atque omnium consynodaliu suorum Coepiscoporum. simulque omnium confacerdotum & Clericorum à fundamentis fuerat constructum ea videlicet ratione. quia ipse Liuthardus Episcopus. & soror ejus nomine Waldburc in sanctimoniali proposito permanens. tradiderunt suam proprietatem ad praefatam sanctam Ecclesiam Paderbrunnensem. quae est constructa in honore sanctae Dei Genitricis Mariae. quatinus eadem res perpetualiter in ejusdem Monasterii potestate consistant. Et deprecatus est nos idem venerabilis Episcopus Bispo. ut ipsum Monasterium & res ad illud pertinentes sub nostrae immunitatis tuitione & defensione suscipereamus. & tales casas. sicut ipse in beneficium habuit in villa Nadri pro remedio animae nostrae illuc ad Dei servitium ipsis monialibus concederemus. Nos vero ejus petitioni libenti animo satisfacientes. ita fieri decrevimus. Concessimus igitur illuc in ipsa villa Nadri hobas x. cum casa & curte. vel cum omnibus juste ad ipsas hobas pertinentibus vel respicientibus. & jussimus eis fieri hoc nostrae auctoritatis praeceptum. per quod decernimus atque jubemus. ut memorata Waldburc praefatum Monasterium Herisi diebus vitae suae securiter per hoc nostrae auctoritatis praeceptum habeat atque possideat. Post suum vero descessum licentiam ipsae sorores habeant inter se eligendi Abbatisam. una cum consensu illius Paderbrunnensis Ecclesiae Praesulis. Et mundeburdum de eadem Ecclesia habeat praefatum monasterium Herisi. & per unumquemque annum 1111. solidos ad eandem Ecclesiam persolvant. simulque mansa x. in villa nuncupata Haionhus. quae Liuthardus venerabilis Episcopus illuc perpetualiter permanenda concefferat. cum decimis villarum quae vocantur Herisi. SMAHTIUN. Northgardinun. cum appendiciis sibi villulis in usibus Ancillarum Dei tradita. per hoc nostrae auctoritatis praeceptum plenius in Dei nomine confirmatum. nullo inquietante. sed Deo auxiliante perpetuis temporibus
confi

consistant absque alicujus contradicentis obstaculo. Volumus etiam atque precipimus. ut saepe jam dicti monasterii Ancillarum Dei homines. non alio modo a judiciariis personis constringantur. nisi sicut Paderbrunnensis Ecclesiae praeceptis concessimus. Episcoporum quoque synodale decretum conscriptum & signo subscriptionis roboratum super memoratum monasterium Dei nomine Herisi nostrae quoque largitatis concessione firmatum permaneat. Et ut haec auctoritas largitionis nostrae firmiter habeatur. & per futura tempora à cunctis fidelibus nostris verius credatur & diligentius conservetur. manu propria nostra super eam confirmavimus. & Sigillo nostro assignari jussimus.

Signum Domini KAROLI. Serenissimi Imperatoris Augusti.
 Amalbertus Cancellarius ad vicem Lintberti Archicapellani recognovi & ff. Data XI. Kalend. Octob. Anno Dominicae incarnationis DCCCLXXXVII. Indictione. v. anno vero regni Domini Karoli Serenissimi Imperatoris Augusti. in Italia VII. in Francia v. in Gallia III.
 Actum ad Lustinanna curte regali. in Christi nomine feliciter. Amen.

